

Dumela go Jesu, Morwa wa Davida, gomme o phološwe

Thero mo Mareka 10:52

Palo ya Beibele: Mareka 10:46-11:10

Temanathero: Mareka 10:52

Ka nako yeo Jesu o be a le Jericho, ke ka mo temana e bolelago. motse wa Jericho o be o le kgauswi le noka ya Jorodane, pele ga mmoto. Go tloga Jericho go be go na le tsela ye e išago Jerusalema e be e theoga go iša mmotong. Gobane motse wa Jerusalema o be a agilwe mo thabeng. Baeti bao ba bego ba sepela ka thoko ya Jerusalema ba be ba ikhutša gantši ba be ba robala mo Jericho, pele ba ka fetela Jerusalema, ba namela mmoto go ya motseng. Le Jesu – bjalo ka baeti – tšeleng ya gagwe go ya Jerusalema gore a be gona ka matšatši a monyanya – monyanya wa Paseka.

Jesu o be a ineetše bjalo ka nku ya sehlabelo motseng wo. Bjale ka se se baka go be go se ne motho yo a tsebago ka se, empa yena fela.

Goba, Jesu o ile a tsebagatša gararo gore o tliile o hlokofatšwa, gomme a bapolwa (re ka bala mo Mareka 10:32-34). Empa barutiwa ba gagwe ba be ba sa thlaloganye mantšu a. Le ga go le bjalo ba be ba lemoga dipolelo tšeo di tsogago. Ba be ba sa dumele le lebaka la gore Jesu a ye motseng wa Jerusalema. Gobane e be e le motho wa mathomo mo dibukeng tše dintsho tša Bamangwalo bao ba bego ba rata go mmolaya. Ka lebaka leo ba be ba ipotša gore Morena Jesu o be a ikiša gore a bonwe Jerusalema. Ba be ba rata ge Jesu a ka dula ka thoko ye nngwe ya noka ya Jorodane mo legageng, go fihlela ge ba bangwe le bao ba bego ba elwa ba modikanetša. Gobane o be a na le batho ba bantši bao ba bego ba mo kwela bohloko. Gomme morago o ile a ya Jerusalema a na le bahlabani ba bantši. Ba dikanetša motse ka nako e tee.

Le ga go le bjalo o mogolo wa bona o ile a dira seo se sa swanego le bahlabani gomme barutiwa ba latela Jesu. Ka nako yeo ba be ba dumela gore go latelwa ga gagwe go tlagola. Go bile bjalo, letšatši le letšatši. Mabaka a be a tletše dipelaelo. Mang le mang o be a ipotšiša gore na Jesu o tliile go dira eng ka monyanya. Dipelaelo di be di šetše di katologa. Lebaka le lenyane fela le tla tliša go tsoga mo bathong.

Mohlala o re o hwetša mo temaneng ya rena. Mareka o ngwala ka monna wa sefofu, leina la gagwe e be e le Bartimaeus. Go bohlokwa gore leina la gagwe le a bolelwa, gobane mabakeng a mantši ge go fodišwa ga re hwetse maina mo Gospeleng. Bjale ge leina le bolelwa mo go swanetše go ba le lebaka. Mohlomongwe ke gobane babadi ba mathomo ba puku ya Mareka e be e le maloko a kereke morago ga Pentekoste, bohle ba be ba tseba Bartimaeuse. Se bohlokwa e be e le leloko la kereke ya mathomo mo Jerusalema, modumedi yo mongwe, le ge e le gore ga a sa foufetše.

Se bohlokwa mo historing ye ga se gore monna wa sefofu Bartimaeus o ile a fodišwa. O mongwe a ka ipotša gore Jesu o be a fodiša difofu letšatši le letšatši. Bartimaeus e be e le o mongwe wa ba bantši. Empa se bohlokwa mo historing ke mantšu ao a lišago Bartimaeuse, le mabaka ao a dirago gore a dire se.

Bartimaeose o be a sa bitše Jesu ka tsela yeo batho ba bego ba mmitša ka yona: Jesu wa Nazareth. Bartimaeose o goeditše selo seo se fapanago: 'Jesu, Morwa wa Davida, nkgaugele!' Nakong ye barutiwa ba kwago se, ba ile ba tšhoga. E sego gobane ba be ba sa dumele, ka bo bona ba be ba dumela thata. Ka nnete, ke Morwa wa Davida, ke lebaka leo ba bego ba molatela. Ge a le tšeleng ya gagwe go ya go tšea bogoši motseng wa Davida. Empa ba be ba tletše letšhogo. Gomme ka lebaka leo ba bolela le monna yeo ba re: Homola! Homola! O se ke wa boeletša seo! Empa monna yea o ile a tšwela pele. Lentšu la gagwe la tliša mahlo go yena, go feta pele ge e mongwe le e mongwe a bego a swere letšwalo: 'Morwa wa Davida, nkgaocele!'

O a bona ke ka tsela eo monna yo a bego a lebeletše go Modimo. Gobane tsela ye – Morwa wa Davida – e be e swanetše fela Messiah! Gomme ka nako yeo ga go motho yo a bego a swanetše go ka bitša Jesu ka tsela ye. E sego gobane batho ba be ba sa bone ka tsela ye. Ga se gore ka morago letsatši mantšu a a ile a tloga gatee? Hosannah Morwa wa Davida! – lešaba la batho le ile la goeletša ge Jesu a tsena Jerusalema. Bjalo ka tsela ye seo se bego se tshwenya dikgwedi se ile sa tšwelela. Empa mo temaneng ya rena, se sebe se hlobaetša batho. Mang le mang o be a ipotša ka tsela yeo. Empa ga go motho yo a bego a rata go itšweletša. Gobaneng? Ke gobane kotlo e be e beilwe godimo ga seo. Re ka gopola gape ge go fodiswa motho yo mongwe wa sefofu, monna yo a bego a belegwe e le sefofu, re ka bala se mo pukung ya Johane 9. Ka morago ga phodiso o ile a thoma go bolela gore Jesu ke Messiah, o ile a botšišiwa ka di synagogeng. Gomme Bajuda ba dumelelana gore ge motho yo mongwe a ka bolela phatlalatša gore Jesu ke Messiah Morwa wa Davida, yo a swanetšego go dula mo teroneng, bjale batho ba bantši ba be ba dumela se empa ba tšhaba go ka bolela mo bathong.

Go tlatša se, dipelaelo di be di le gona ka lebaka la gore batho ba bone Jesu a eya Jerusalema. Nakong ye e fetilego Jesu o ile Jerusalema, gomme go be go na le dikgohlano. Gomme ka nakong ye nngwe, dipelaelo di ile tša tšwelela go iša pele. Mang le mang o be a tshoga gore go tla direga eng. Gobane ka nako ye go tla duma go feta pele, ka ditlamorago. Gobane BaRoma ba be ba gatelela leba bannyane le ba Bajuda ka tšhologo ye ntši ya madi. Gomme ga go motho yo a bego a ikemešeditše seo, madi a tšhollwa Jerusalema, pele ga monyanya wa Paseka. Gomme mang le mang o be a ipotšiša - thata barutiwa – gore a na Jesu o be a sa tšhoge na? A na go bohlae gore Jesu ka nakong ye a se itšebagatše go fihlela a hweditše batho ba bantši gore ba mo hlabanele? Gomme ka lebaka leo barutiwa ba ile ba galema monna yo ba re a homole. Ka nako yeo ba bone go le kaone ge motho a ka se bitše leina la Jesu...

Empa re bona Jesu a fetola ka tsela ya gagwe. Ge Jesu a ekwa monna yo a bitša, o ile a ema. Go yena, se e be e se pitšo fela. Jesu o tšebile gore e be e le go ipolela tumelo! Go kaone monna yo o be a sa tšhaba go ipolela tumelo. O be a bolela se ka nako ya dipelaelo. Gomme ge Jesu a ekwa pitšo a ema. Mang le mang o a mmitšago ka tumelo ya nnete mang le mang yo a bolelago leina la gagwe pele ga batho, o tlo hwetša tsebe yeo e kweletšego ya Messiah. Jesu a ema, gomme a bitša monna yo.

Re bala gore monna yo o ile a lahlela kobo ya gagwe maotong a Jesu gomme a tla go Jesu. Gomme Jesu a mmotšiša a re: O rata ge nka go direla eng? Gomme monna yo a fetola a re: Moruti, ke rata go bona. Se e be e le potšišo gomme karabo ya Jesu e be e le eng? Seo se makatšago go Jesu ke gore karabo ke eo Jesu a mo neilego go fetiša seo. Gomme ka phodišo ye re gopola gore diphodišo le mehlolo yeo Jesu a bego a e dira. Phodišo ye e be e le leswao la se bohlokwa. Ke gobaneng Jesu a eme? A e ka ba Bartimaeuse, monna yo a hlokago, e bile a fofetše, empa ke eng seo se dirilego gore Jesu a eme? A e kaba ke dihlong ge a bitšwa ke mohloki. Yo a kwelego tumelo ya nnete. Gomme Jesu o araba diholofelo tša gagwe. O mo neya go fetiša ka mo a gopetšego.

'Tumelo ya gago e go phološitše'. Gomme ka nako yeo Bartimaeose a bona. Tumelo ya gagwe go Jesu ya dira gore a latele Jesu. A šomiša ponelopele ya gagwe yeo e tsosoloditšego ke Morena wa gagwe.

Ga re tšene ganyane ba bokamoso bja monna yo a bego a sa bone. Re ka nagana gore o be a tllile go botšišwa ka pele disenangeng. Seo e be e le kotlo ya bao ba bolelago gore Jesu ke yena Messiah. Gomme ka go latela Jesu e be e le bokamoso go yena. Se e be e le mpho e kgolo go yena. Ka tumelo ya gagwe go Jesu, ponelopele ya gagwe e be e se ya tšosološa fela, empa o be a tšene ka lešakeng la Messiah. Se se ra gore go tloga bjale o tla dula le Messiah. Se ke se bohlokwa se o ka bago le sona mo lefaseng. Ga se gore Bartimaeose e be a ka se bile maima. Le yena o be a tlo sepela tšeleng ye boima. Le ge a ka tlogela Jesu, ge Jesu a golegilwe serapeng sa Gethsemane.

Gape morago, bjalo ka leloko la kereke ya mathomo ya Bakriste o bona tlaešego le ditlhokofatšo. Le go yena nako e fihile ya gore a hlokofale. Empa Jesu ga a ka a motlogela. A re lebogeng lebaka la gore Jesu ke Morwa wa Davida, Messiah, yo a bapotšwego sefapanong, gomme a tsoga, lehu ga le re gore ke bofelo go Bartimaeose, empa ke tsela go iša bophelong bjo bo sa felego.

Lebaka la gore mahlo a Bartimaeose a fodišitšwe, e be e le sešupo fela. Sešupo sa go bontšha seo Jesu a mmofilego ka nako yeo: tumelo ya gago a go phološitšwe. Mahlo a gagwe a boetše a bona gape, e le sešupo sa tshepišo ya bophelo bjo bo tlogo.

Go swana le morepaditho yo a fodišitšwego e bile sešupo sa molaetša o mogolo yo Jesu a mo neilego ona: dibe tša gago di lebaletšwe.

Ge re bala mohistory ya Bartimaeose ka tsela ye, gona go a gonagala go phethagatša se nakong ya lehono. Ge e le gore e be e le ka lebaka la Bartimaeose yo a bego a nyaka go bona, le ka mo Jesu bjalo ka ramahlale, a mo fodišitšego se e be e kaba nonwane yeo e diragetšego gomme ya feta. Empa re leboga Modimo gobane ga go bjalo. History ye ke sešupo, ke sešupo sa gore mang le mang yo a dumelago Jesu, a ipolela gore Jesu ke Morwa wa Davida Messiah, o tlile go phološwa!

E be e le sešupo seo se bonalago go lešaba la Jericho ka letšatši leo. Sešupo go batho bohle bao ba bego ba tšhoga go ipolela tumelo ya bona mo bathong, ka seo Jesu a lego sona. Sešupo sa gore, ge o ipolela ka nnete, se ka se go kweše bohloko, empa se tla šupa phološo ya gago. Mohlomongwe o be o tla botšišwa mo disenangeng le motseng, empa ga o boa motseng o tlile go amogelwa mo Jesu Kriste a lego gona.

Se ke lebaka la lehono: a na o ikemišeditše go bolela ka leina la Jesu? Ke dumela go Jesu! Ke ya kerekeng! Ke a rapela ka mehla. Bošego pele ke robala, ke a khunama gomme ka rapela. Letšatši le letšatši ke bala Beibele. Ga ke tswenyege gore batho ba nagana eng ka nna. Ke nagana ka seo Jesu, a lego sona, le mahlogonolo ao ke a hwetšago go yena.

Lebelela tšohle go Jesu! Mo lebelele o bolele leina la gagwe, bjalo ka ge Bartimaeose a dirile, o sa lebelele batho bao o dutšego lebona gore ba tlogo tšea bjang. Jesu o kwelela lentšu leo le mmitšago. Ga se a go tlogela. Lego wena o tlile gore tumelo ya gago e go phološitše! Ge a bolela se go Bartimaeose, e be e le thata go mo nea gore a boele a bone gape. Morago ga menwaga ge Bartimaeose a le a malaong, ka nako ya ge a feta, mantšu a o a gopola: 'tumelo ya gago e go phološitše!' Kriste mošomo wa gagwe e be e se ramahlale yo a dirago mehlolo a fodiša difofu, fela sa mathomo mošomo wa gagwe e be e le go phološa batho dibeng tša bona. Goba tloša mokotlong ye sa felego. Gomme phološo ye o e file Bartimaeose. Se e be e le segofatšo e kgolo! Tumelo ya gago e go phološitše. Gomme tšhegofatšo ye Jesu o re fa yona go motho yo mongwe le yo mongwe yo a dumelago go yena ka nnete. Mang le mang, yo a ikemišeditšego bjalo ka Bartimaeose, go bolela leina la gagwe go batho.

Amene.